

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....nos tei pa topa ku bo atrobe riba nos plenchi positivo. Bin mira kiko ta pasa riba plenchi di nos skolnan pa asina bo ta bon informá. Bin yena bo mes ku energia positivo riba nos plenchinan di skol. Nos ta deseabu un felis wikènt yen di alegria i pas.

Riba roster

Broeder Rigobertusschool

E meta di skol ta : yuda alumnonan desaroyá nan talento i realisá nan soño. Materia CAV (formashon kultural I artistiko) ta haña hopi atenshon e aña aki.

Durante siman di kultura, e alumnonan a sigui workshop di baile, músika i dramatisashon.

Di e forma aki nos ke yuda nan desaroyá nan talento riba e diferente terenan.

Riba e potrèt por mira e muchanan ta hañando lès di Tio Ali.

Proyektyo di kushina pa grupo Bendishon. Kushina Italiano. E alumnonan a siña den lès e kustumbenan di e apis I den kushina nan a kushiná pizza, lasaña ets. E kumindanan tipiko di e pais.

Den e siguiente mail ta bini e potretnan di e proyekto di kushina .





Den agènda

21 desember te ku 4 yanuari

Riba rapòrt

Glorieux College

Koperashon i partisipashon di mayor ta importante pa e famia di Glorieux College.

Alumnonan di Glorieux College a partisipá den Goal4kids dia 29 di sèptèmber último.

Nan a train durante di 2 siman den pouze, nan ku nan maestranan i finalmente a sali na di 2 luga den Goal4kids su torneo di futbol. Mayornan a duna tremendo koperashon den forma di buska i trese e alumnonan dia di torneo. I tambe fungi komo "coach". I mas ku klaro huntu ku mayornan,maestronan a apoya nos alumnonan. E alumnon tabata super kontentu ku maestran ta komparti ku nan pafu di ora di skol.



Tur promé djaluna di luna e famia di Glorieux College (alumno, maestro i mayornan) ta bai misa. E aña aki, e alumnonan ta enbolbí aktivo den e Santu Sakrifisio di misa. Dia 1 òktober nos tabata tin e promé Santu Sakrifisio guiá pa e alumnonan, huntu ku maestranan i Pastor. I tambe pa promé biaha nos tin un kor di skol ku ta kompañá e Santu Sakrifisio. Instruí e mucha for di chiki i ora e bira grandi lo e no apartá. Dia 1 di òktober ta dia internashonal dia di grandinan den nos komunidat. Nos a invitá nos bisiñanan di edat, na nos promé Santu Sakrifisio, i tambe entregá nan un pakete.




Skol a risibí mobilario pa nan skol for di hulanda. Mayornan I alumnonan a duna un man. E alumno aki tin abilidad tekniko, i tabata kier a yuda harma e mesanan sin duna nos ora di porta. Maneho di skol a soru pa e haña instrukshon i merdia e tabata keda skol i harma e mesanan hopi kontentu.



Charayneli Sintjacoba a keda koroná na sept ultimo komo Little Beauty Miss World. prome ku e la biaha pa Sto Domingo, maneho di skol a regalá Charayneli un bandera di Curaçao, kual e la representá dignamente.



Rekenen: Huntu nos ta siña, ku plaser. Alumnonan ta siña ku plaser ku material konkreto, trahando den grupo nan ta yuda otro. Durante e materia di matematika. I ta siña tambe di ta kritiko.



Relashoná ku dia internashonal di bestia, I-animal a bin duna un demostrashon pa nos alumnonan dia 28 di sèptèmber. E muchanan a keda hopi kontentu sigur pasombra nan tambe por a partisipá.



Mucha djispou

Finn ta hasi su ruman chikí un pregunta

Finn: “Sylvie bo sa kiko ta voorwerp?”

Sylvie: “Klaro ta fásil! Un kos ku bo ta bai werp voor, meskos ku lees voor. Tur dos ta meskos.